



Inatsisartunut ilaasortaq  
Peter Olsen  
Inuit Ataqtigiit  
/Maani

**§ 37 apeqqut nr. 58-imut akissuteqaat: Inatsisinut allannguutininut atatillugu inatsisit ataatsimoortillugit allanneqarnissaannut Naalakkersuisut aallarniinialersaarpat?**

02-03-2016  
Sullap normua 2016-3779  
All. nr 2215422

Inatsisartut suleriaasianni § 37, imm. 1 naapertorlugu apeqquteqaat Inatsisartuni ilaasortamit Peter Olsen-imit Inuit Ataqtigiinneersumit apeqqutigineqartoq Naalakkersuisunit ulloq 17. februar 2016 tigunearpoq. Apeqqutit uannut akineqartussanngortinneqarsimapput.

Postboks 101  
3900 Nuuk  
Oqarasuaat (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

Akissutit apeqqutigineqartut kingornatungaanniipput.

**1. Inatsisinut allannguutininut atatillugu inatsisit ataatsimoortillugit allanneqarnissaannut Naalakkersuisut aallarniinialersaarpat?**

**Akissut:**

Siusinnerusukkut Naalakkersuisuusimasut nalaanni pisortatigoortumik inatsisit ataatsimoortillugit allanneqartalernissaasa eqqunneqarnissaat eqqarsaatersuutigineqarnikuuvoq inatsisitut nalunaarutinngorlugit, suliniut aallaavittut Naalakkersuisunit akuersarneqartoq. Inatsisitulli nalunaarutinngorlugit suliniutip atortuulersinneqarnissaa sulisutigut amigaateqarneq pissutigalugu uninnikuusimavoq. Maannakkuugallartoq Naalakkersuisut piviusumik aalajangersimasunik inatsisinik nalunaarutinik eqqussinissamik pilersaaruteqanngillat.

**2. Inatsisinut allannguutininut atatillugu inatsisit ataatsimoortillugit allanneqarnissaanni suut iluaqtissatut suullu ajoqtissatut Naalakkersuisuniit isumaqarfigineqarpat?**

**Akissut:**

Inatsisit nalunaarutaannik eqqussinerup aallaavittut innuttaasunut inatsisinik atuuttunik ilisimasaqalernerulernissaat paasiuminernerulersissavaat. Soorlu apeqqut 1-imut akissutinni allaaserineqarsimasutut siusinnerusukkut suliniutaasimasut uniinnarnikuupput pisariaqartinneqartunik sulisutigut isumalluutit pigineqannginnerat pissutigalugu. Inatsisitigut nalunaarutinik pisariaqartinneqartunik sulisutigut isumalluuteqarani eqqussinissap kingunerisinnaavai inatsiitigut isumannaatsuunikkut ajornartorsiornerit arlallit. Aallaarniutitut naalakkersuisoqarfinnut ataasiakkaanut unammillernartuusaaq naammaginarumik pitsaassusilerlugit kalaallisut soorluttaaq danskisut inatsisitigut nalunaarusiornissaq, pingaartumik inatsisissatigut siunnersuummut atatillugit, tassani Inatsisartuni inatsisip akuersissutigineraniit atortuulersinneqarnissaata tungaanut piffissaq taama sivikitsigitillugu.

Tamatumani mianernartuusinnaavoq, piffissami sivikitsumi siusinnerusukkut inatsisitigut nalunaarutit saqqummersinneqartup aamma inatsisip atuuttup akornanni pissusissamisuunngitsunik pilertoqarsinnaanerani, tamatumani innuttaasumik paatsiveerutsitsinermik kinguneqartumik mianernartoqarsinnaamat.

Taamaasilluni inatsisitigut nalunaarutinik pisariaqartinneqartunik sulusutigut isumalluuteqarani eqqussinerup innuttaasunut eqqunngitsumik toqqissisimannginneq kingunerisinnaammagu, soorluttaaq tamanna inatsisitigut isumannaatsuuneq eqqarsaatigalugu eqqarsarnartoqarsinnaasoq.

3. **Soorlu uanga taamatut isumaqartunga, inatsisit ataatsimoortillugit allanneqarnissaat inatsisitigut isumannaatsuunissamut, eqqortumik pineqarnerut misigisimanissamut minnerunngitsumillu inatsimmut tunngatillugu innuttaasut (inuussutissarsiorneq ilanngullugu) tamakkiisumik iliuseqarnissamut periarfissaqarnissaannut tunngatillugu nukittorsaaq, tassa inatsisip eqquutsinneqarnissaanut inatsisillu periarfissiisutaanik atuilluarnissaq eqqarsaatigalugu. Naalackersuisut aamma taamatut isumaqarpat?**

**Akissut:**

Aallarniutit apeqqu 2-mut akissutinnut innersuussissaanga.

Tamatuma saniatigut innuttaasut inatsisiliornermik atuinerat eqqarsaatigalugu innuttaasunut aalajangersimasunik inatsiseqarfigineqartunut ilitsersuusiortarneq akuttunnginnerusumik pitsaaneruserpoq. Ilitsersuusiornikkut akuttunngitsumik periarfissaqartarpoq siamasinnerusumik paasisaqarnerusinnaaneq inatsimmik ataatsimik ataatsimoortillugu allaaserinninnerminngaanniit.

4. **Taamatut inatsisit ataatsimoortillugit allanneqarnissaasa Nunatta karsianut aningaasatigut allaffissornikkullu naatsorsuutigisatut kingunissaanik Naalackersuisut paasissutissiisnaappat?**

**Akissut:**

Naalackersuisunit naatsorsuutigineqarsinnaasutut aningaasaqarnikkut aamma allaffissornikkut kingunerisinnaasat pillugit nutaamik naatsorsuusiortoqarsimanersoq ilisimaneqanngilaq, ingerlaavartumik inatsisitigut nalunaarusiornerup kingunerisassaani.

Inussiarnersumik inuulluaqqusillunga  
Med venlig hilsen



Kim Kielsen